


Vg
579



Auff die vnderricht des
hoch-gelereten Docto

ris / Ein Hieronimy tungirß
heym / von Ochsenfurt Col
ligat vnd prediger zu
leyptzick

Antworch

Georte Schonichē
zu Eylunburgē

M D xxiiij Jar

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(EMER)

Allen gläubigen in Christo vorhan-

let/in eynikeyt der heyligē Christlichē samlūge add kirch z
zu Leyptzig/ sol gebauet vnd gegruendet auff das heylige
Ewāgelio/ sey gēade/ Fryde/vñ barmhertzigkēyt/vō got/vñ
ihesu Christo vnserem herē/Welchem sey allein Ehre/lob
/vnd preys gewalt vñ gebiethē/von ewigkēyt zu Ewigkēyt
Amen

A Erbare hochuorstandigen vnd geliebten bruder In
Christo/ich habe in vorgangen tagen/vmb Christliche vn-
derricht/geschriben/an dy achtbaren hochgelerthen vñ prin-
cipales der loblichē vninersitet bey euch / Petrus Mosellanus
Rector / Doctor Schuffart/ Andream Comicianū sie
mit hoer bih angelangt/wie dan euch nicht vorborgen/vñ
hab ein anthrowth erlangt / von dem Doctor Ern Hiero-
nimo tūgersheim vō Schuffart/ Was aber dieselbige an-
throwth/inhalts ires lauts meldet wyssen die so es gelesenn
habē/was aber die vrsach ist/das ich von yme allein anthe-
wort habe/ist mir vnwißlich/ wil auch dismal got vnd der
zceyt befohlen haben

A Wye wol meyn herre Doctor/meiner bih nach/mich
manchfeldig weyset/auff die vether/ Babst/ vnd Concilia/
von welchen mir vorhin nicht vorborgen gewest/Sondern
mich zuerkundē / wne babst/ pfaffhumb munchthub
/mith allen iren messen werckē/wie sie nhamen habē mogē
im Ewangelio grundt hett

A Die weyllich nicht glauben kan /das ein mensch /ane
das Ewāgelion/ felig werdē mag/ durch welchs allein der
rechte glaub gelernet wirt/Den es ist geschriben ad hebreos
.ii. Es ist vnmöglich das ein mensch ane den glauben gote
behagen mag Dan so saget. S. Paul ad Roma .10. Der
glaube ist aus dem hore/das hōren mus aber sein das wort
christi/das ist das heylige ewāgelyō/ Vō welchem sich kein
mensch zuwissen/vor got entschuldigen/wirt Den der mē-
sch ist darumb geschaffen /das er gott erkennē soll vnd im

gehorsam seyn wie dan auch. S. Paul sagt z ad thessa: 1.
Dis gott die straffen wirt mit hellischen flammē / die gott
nicht erkant haben / vñ nicht gehorsam seyn dem ewāgelio
ihesu christi vnserem heren .

Ich kam vñ weys mich auch / nach meines heren Doc
tors zuschreibē nīchtes adder gangz weing z verbessern / vñ
ist dis mein vrsach / so ich ansehe die zceyt do Christus in
eygener persō geprediget / darā ich fest glaube / das er nichts
vorhalden habe / so vns zur seligkēyt nodt gewest / wie dan
auch geschribē Jo: 15. alle ding so ich gehört hab von mei
nem hymelischen vater / hab ich euch kundt thā / des gleichē
sagt Paul⁹ / actū. 20. ich wil vnschuldig se'n von aller men
schen bluth / das ich euch nichts vorhalden habe / sondern
alle den rath gottis verkundigt habe / Des gleichen auch ad
Gal. 1. Szo ein engel von hymmel / adder wir selbst / anders
lerthen / den wir gelernt haben / das sey vo: flucht adder vor
maledēyt. 1. Jhohan: 5. wer dem sohn gottis nicht glaubet
/ macht inen zum lugener / z. Jho: Szo nemāt zu euch komet
vnd brenge die lehre Christi nicht / den nemet nicht an / habet
nichts mit im zuschaffen ct.

Szo sich widernā das babst / veter / vñ Cōcilia / nicht
wēig / sondern vil anders gelernt haben / den Christ⁹ vñ
seyne aposteln Drum̄ glaube ich vñ haltes festiglich / das
alle menschen / Szo inen glauben / vnd nachfolgen iren lere
/ Ordungen. vñ satzungē / Die dem ewāgelio entgegē sein
/ fur gott zu ewiger zceyt nicht bestehen werden

Wie wol auch die heiligen aposteln vñ die mit inen
warē / auch ein cōciliū hiltē Act: 15. sie hādēlthē aber gar nie
hts außserhalb dē ewāgelio adder wyder das ewāgelio / wye
babst vether vñ Cōcilia thun vñ gethō habē Szo saget an
ch Pe: Act: 5. mā mußze got mehr gehorsā sein / dē den mē
schē / vñ am. 4. im selbigē buch der geschigtrē der zwelfsbote
Es sey vnder dem hymmel / dē mēschen kein ander namē ge

geben / doynne sye selig werden mogen / den der nahmen
Ihesus / Drumb so wil ich bleyben (vornmittelst gottlich er
hulffe) bey dem heyligen ewangelio Es kost was es wolle/
haut vnd ho: / hals adder bauch / leyb ader leben / ader wy
es gott fuget / vnägesehen irgenth einen mensche

A Es sey dā / das mein her Doc: mit warer heyliger sch
riffte / erreyß das der. vetter / behst / vñ Conciliē / lerē vñ sagu
ngē zu haldē sein / gleich dem Ewangelio / vñ wyderlege mir
/ die offentliche spruche / wie obē gemeldet / vñ beweyße mit
warer schriffte Das ire pfaffthumb / mit allen werckē grundt
habe Die weylle Christ^o öffentlich sagt. Mat: 15. vñ Ma:
7. Sie eren mich vmbsonst / die mich ehren mit menschen
lehren vnd gebotten.

A Auch wye christ^o vñ die aposteln inē solchs befohlen
habē / den Paul^o sagt ad Ro: 15. Drumb kan ich mich rume
durch ihesum christū / Das ich mit gotlichen sachē vmb
gehe Den ich durffte nicht etwas redē / wue das nicht in mir
wircket Crist^o Es wil auch das Ewangelium lauter vnd rein
/ gepredigt sein / wue es frucht bringen sal / ane allen zusatz
menschlicher leet / wie Paul^o sagt / z Chori. z. wir sein nicht
als ir vil / die mit dem Ewangelio adder wortt gottis kres
chmerry treybē / adder felschlich auslegen / Sondern aus lau
tter keydt / vñ als aus gott vnd fur gott / reden wir in christo /
idem ad Ro: .16. Ich ermāe euch libē brud das ir auff sehet
auff die / die do zurtrünge vñ ergernis anrichtē neben der
lehre / die ir gelernet habt / weicht von inen /

A Also lernet auch. Sant. Paul^o / die thessalonicher / wir
vortrawen aber auff euch in dem herrē / das ir thut vñ thun
werdet / was wir euch gebithen / vnd wir gebithen euch in
dem nahmē vnfers hern ihesu christi / Das ir euch entziehes
von einem izlichen bruder / der do vno: dig wādel / vñ nicht
nach der sagunge die er vō vns entpfangen hat / Dā ir wiss
set wie ir vnß solt nachuolgen.

wol mein her Doctor/der zu teyl/nicht fast abredigt ist/und
fragt auch/ich habe disse artigt el ergerlich mit inirien der
kirchē / weyter bracht et Sage ich das mir mein herr Doc-
tor vngullich thut/ vñ ist mein gemut vnd syn Lide gewesen

¶ Zum Dritte/ich solt in fur heynem geordenthē richter
ersucht haben Welche mir nicht von nothē war / Den dis
mein zuschreyben/ an sie/ hab ich angefügē/ mich zubefragē
vnd nicht imandt zubeclagē/ Versteht aber mein her Doc-
tor Das Ewangeliū vnrecht (das ich nicht rede) vñ dem zu
legen predigt/ wirt er seinen richter wol finden in die illa

¶ Er spricht auch/ das ich mir solt benugen lassen/ den
offentlichen spruch christi/ do er spricht Er wirt euch sendē
einen anderen troster der wirt bey euch bleiben ewiglich et

¶ Antwortt ich/ mir ist solches nicht vorborgē/ Söder
rn ich wolt gerne hörn/ vō meinem hern Doctor / aber auch
anders lernen wurde/ den Christus gelernet hat/ den Jo. 16.
geschriben ist/ von dem meynen wirt ers nehmen vnd euch
kunt thun/ Das aber mei her Doct: meiet der heylige geyst
habe solche ordūge/ auffze christo / in der kirchen ein setz /
kan ich aus der schrift nicht befindē/ Wā der heylige geyst
hat nicks anders gelernet / kan auch nicks anders lein dā
Christus gelernet hat.

¶ Vnd ab donon auch nichts gesagt were / vomim in
meynem sermō/ antwortt ich dir/ wie Sāctus Augustin⁹
Pelagianis etc.

¶ Sprich ich Es haben ethwan vil kerzereyen irre gan-
gen (wie sy sagen) vñ ir feindt auch vil vō inen/ vordampft
vñ vorbrandt worden / ab inne aber allezeit recht gescheen
(ist) gott bekandt/ich halt aber Doch damit vnuoracht ein-
es idern bessern vorstandts / dis die grostenn kerzer zusein/
welche offentlich wyder das heylige Ewangeliū/handelen/
den nicht gehorsam sein/dar gegen vnd wyder/ Ordenen
kerzenn vñ gebieten/nach alle yrum willen/auch die so mich

gantzen ernst zwingen vñ bringen iderman / das vor rechte
zuhalden / die weile es doch vnrecht ist

Item Du gedenckest ab anfleunge der schrifft / von dē
veteren zu aber abe gehann weren et.

¶ Dis las ich richtenn / einen iderman / der do vorstandt
hatt / vñ des Ewägely kundig ist abs / nicht geschehen sey

Er sagt auch / wie das wir würdige frucht der bues thū
solt / Matth: am. 3. vñ ein guter baron et.

¶ Anthwoith ich / Das mus wir thun / Luce. 13. Es sey
den das ir euch bessert adder bues thut / werdet ir alle vortet
ben / Wyr müssen aber dar zu recht gelernet werden / durch
gottis wortt / vñ niemāde mit gewaldt dar zu zwingē / wie
bisher gescheen / Wir habē müssen beichten / es sey vns lieb
adder leydt gewest / pfaffen vñ mūchen die beicht ab auffē
vnd darnach den beichtueteren lassen mess halten / vff das
wir der sunden loß wurden / wie der hunde der flobē / vmb
Sāct Johannes tage / wue nicht rechter glaube ist Do bley
bt dye hunde Actū . 15 . Gott reiniget ire hertzen durch den
glaubē / Jo: 15 . igt seydt ir reine vmb der rede ader predig /
welche ir gehort habt / vñ wie woll beichtē / ein edell kostlich
ding ist / Sie mus aber frey willig / vñ ungezwungē / an keiē
zeyt / stadt / adder person / gebundē / seyn

Mein her doctor saget auch / von ādern guthē wercken
/ die man aus der schrifft nym ptet.

¶ So halt ich Erstlich den glaubē fur das beste werck
/ Jho: 6. Das ist das werck gottis. das ir glaubet in dē / den
er gesādt hatt / Drūb halt ich dis fur ein gut werck / welches
vns gott gebotthen hat / vñ dem nezte zu Nutz vnd hulffe
geschicht / Wie Mat: 7. geschribē / alles was ir woller / das
euch die leuthe thun sollen / das thut in wyder Das ist das
gesetz vnd die ppheten

¶ Des gleichen auch mit dem gezeirden / der gots heil-
ser vnd kirchenn / welche gar nichts von nothen / Die man

Es vnmützlich an kirchen/ vnd was darein gehört/ vberflü-
ßig wendet / Do von mächem armen menschen zu steuer
vnd holffezn komen were/ Den gott wirt zum letzten vnd
Junsten gericht sagen/ ich bin hūgerich gewesen / vñ ir habe
mich nicht gespeysset et. Ich glaube nicht das er fragen wirt
/wie vil hastu mir schöner kirchenn vnd altaria gebauet/ vñ
messen gestiffet/ Dē gott hat der keins gebottē/ Cristus hath
offt in der wustunge Vom schiff vñ in heußern geprediget/
vnd nicht allein im tempell/ Joānis .4. Es wirt die zeydt
komen/ das ir wyder vff diesem berge/ noch zu Iherusalem
werdet gott anbeten Gott ist ein geyst/ Mat: 6. wen du betest
gehe in dein schlaffkammer et. Gott wōdet nicht in tempeln so
mich hēden gemacht sein Esa .66. Ac. 7. vñ 17. Sondern
die tempel gottis seydt ir/ 1 Chorin: 3. vñ. 2. chorin: 6

¶ Was aber dem altar dienen heyst/ halt ich nichts an-
ders/ den das ewāgelijū predigen/ wie dan der text klar nach
volgen lauttet/ Die das Ewangelium vor kundigen/ sollen
vom ewangelion leben / hie meinen aber vil/ dem althar di-
enen/ heyst/ mess halden wie die messpfaffen thun / welches
nicht wol gesein kan/ den sie dinen nicht / allein irem bauche
/welcher ire gott ist.

¶ Mein her/ Doctor saget/ wie ich schedliche sorge habe
/vonn Munchen vnd pfaffen Die ich geschwurm des teuffels
Kenne et.

¶ Ich weys sie anders nicht zu halden noch zu Kenne
/bis mein her do: mich vnderweyse/ wue yhr dingk im ewā-
gelio grundt hat/ vnd so dis geschicht/ wil ich sie nicht als
lein gottis geschwurm/ Sōdern auch gottis diener Kenne
/Den alles was geordent ist / mus von gott geordent seyn/
Ists aber von gott nicht geordent/ so mus es von dem teuf-
ffel geordent sein/

¶ So wolt gott auch kein regiment vnder in haben /

B

Joan: 18. Mein reich ist nicht vñ dieser welt / Mat: 20. Die Könige der heiden hirsche vber sie / vñ die gewalt haben / brauchen ir / ir aber nicht also / welcher wil sein der grost sey der andern diener.

¶ Es sagt auch mein her doctor / Die lieben heyligē veter so mith Cristo regirē do er den villicht meynet die vorstribenen ct.

¶ So haben wir Mat. 24. geschriben Es sey den das die tage vor kurz werden / wirt kein mēsche seligt / aber vñ der außer welthen werden die tage vor kurz werden Mat: 25. So do kōmen wirdt des menschē sohn / in seiner maiestat vñ alle engel mith ime ct. wue wirt dan Christus lassen die heyligen veter / Wochte ich gerne wissen / 2. Petri / 3 / In den letzten tagen werden kōmen vñ spottet / werden sagen / wue ist die vorheyschunge seiner zukunfft / Den nach dem die vether enschlaffen sein / bleibet es alles / wie es von anfang der creaturn geweest ist / aber muthwillens wollen sie nicht wissen. was Sanct Peter / vñ die schrift hie meinet / wissen die hochgelerthen Drum ist mir vorborgen / wie es mit dem regniren / zu gehet / Die weil christ^o öffentlich sagget / er wirt kōmen mith seinen engeln ct.

¶ Er saget auch / wie ich Augustinū außdrugte / nicht ane thodilichen mißbrauch ct.

¶ Ich wil dem liben augustino / nicht zu Nāhen geredt haben / wie meyn her Doctor vormeindt / Sondern allein das sein schrift / in allem Nīcht zu halthē sey wie das ewā gelū / Die weyl er auch selbst seyner bucher eins teyls wyder ruffenn Sondern ich meine die andern / die dem babst geheuchelt habē als thomas vñ der wasserburgē vñ schot^o vñ mein herr doctor ochsenfart / vñ wie sie alle mughen nahmen haben

Vñ saget Darans zue messen was geysts ich sey ct.

¶ Ich habe die warheydt des Ewangely begert / vñ

gefraget nach der heyligē schrift/ so schüttet er mir sprewē
für/ frage nach dem richtsteyge/ Szo weyßet er mir dē holts
wegē/ ich begere lauttern vnd reinen wein / Szo vornische
er mirn mit wasser/ was geystes er selbst (ist) leichlich
daraus abzunehmen

¶ Auch Spricht er/ das ich einen schympliche beschlus
hinden an gesagt habe et.

¶ Szo weys gott/ das ich das nicht habe than/ iemādt
zu Nachteil/ auch nicht der loblichen vniversitet irgent zu
einer vorhonige / Söder allein. Das ich solchen predigern
das maul stopfet / die gerne wolthenn vnglugē zurichten/
welche durstet nach mēschem bluthe Die do/ wie den offen
tlich / wyder keyßerlich mandat handeln / vnd billichez
zu straffen weren/ vñ were in besser/ Sie beweyßetē irer sach
engrundt vñ schriftē / aber douonn schweygen sie gar stille

¶ Mein herr Doctor sagt/ von ethlichen Dte moysi wys
der stunden/ Numeri. 16. vñ wolthen auch priester sein et.

¶ Ich hab noch mei lebethage nicht begerth/ das ich ein
solcher priester/ wie itzo (sein) wolt/ vnd sulde allzeyt woy
der gott thun / vnd mich huren behangen sein/ wie ein pil
gram mit muscheln / vñ alles so ich vberkem/ mit vnrecht
besitzenn

¶ Szo ist ie disser text wyder meynen hernn Doctorn/
Den disse/ wie die schrift do selbst sagt/ wolthē sich mit
eygēer macht vñ gewaldt/ eindringē/ wie itzt auch geschiche
Den es solthen pfarher ad der bischoffe vnd prediger / vom
gemeinē volcke erwelt werden/ wen ich itzt fragen solt/ wie
vil vom gemeinē volcke vñ hauffen darein vorwilliget das
etliche zu leipzigt prediger/ ich halt ir wordē nicht wil sein
/ wie etliche sagen/ Sie krigen prediger vmbsonst / auch die
noch gelde zu gebenn / Das sie nuher die ehre habenn

¶ Item von den thoden bitten weyßzet er mich an Au^s

B ij

Augustinum / libro de cura pro mortuis et.

Q Frage ich / wie es dan für Augustino mit den thoden
gehandelt sey / dieweyl etliche hundert Jar / von der zeydt
der genaden / bis auff Augustinum vorlauffen waren / wer
hielt do mess für die thode adder vigilien (auff deutsch Jar
gedechtnis vñ ewige gedechtnis et. Es habē vns Christus
vnd seine aposteln / nichts douō gelernet / Ich haltes wol
für guet / das man mit kurzen worten für die thoden bitte
Den so sie in gottis gericht sein / wer weys wie es got mit
in macht / Aber das man geldt drum geben mus / das ist
der tefel / Darumb sein sie gätzs schwerlich aus dem fege-
feur zubringen / wie wol etliche sagen Dis buech darynnen
für die thoden zu bitten / geschriben / mochten sich Irer zwē
darumb bekömmern abes Augustini sey ader nicht

Q Es saget auch mein herr Doctor / Ich trage vil ein /
von meinem vorstande et. Habe ich die lere der kirchen offte-
mals gehört et.

Q Ich möcht woll gerne von meynem hern D: ein mal
gehört habē / vñ der lere des euangelij / es wil aber nicht sein /
vnd ich sal stehen vñ halden in den dingen die nötig sein /
ich meinet fürwar / so ein mensch nach der seligkeydt frage
es solt ein notich ding sein / vñ sal halde wie die kirche helt /
vnd sal sie lassen bleyben / So von Christo eingesezt vnd
Allezeydt geweest ist et.

Q Man list in Actis apostolorum am .11. Die rede kam
für die oren der kirchen / am .12. Das gebett geschach ane vns
der las von der kirchen odder samlinge für Petro / Das warē
alle die vorsamelt waren / in eynikeyt des glaubens / des ewā-
gelij / vnd zu der kirchen weyset vns auch Ma .13. Sage es
der kirchen

Q Mein herr D: Saget auch vil von Augustino / wie
der selbe sage das die kirch sey mit miraculn sgehobē et.

Ist alles war / Gott ist noch so mechtig als er von
Ewigkheydt gewesen ist / Er kñd es auch nach thun / wen wir
allein einen rechten glauben hettē / wen aber gott selbst itzo
in dieser letzten zeydt keme / vnd schlage mich keulen vnder
pfaffen vnd monche / vnd thette ander grosser wunder vil
meher / Noch glaubten sie dem babst / veteren / vnd Concilio
weyt mer den dem Ewangelio Ihesu christi

Er saget auch von der volge der priester et.

Die schrift zeyget ann Das al'e Christē / die einen war
hafftigen / vnd nicht einen gethichtē glauben haben / priester
sein / 1. Petri. 2. Ad der vō dinern ad der presbiteris / bisschof
fen vnd Diacon / saget die schrift wol / Sie saget aber nicht
von solchen bisschoffen als wir itz haben / mit spitzigen
huten / Söder ein mā eynes weybes et. welchs itzo ein gros-
se schande wehre

Mein herr doctor meldet auch vō dem skuel petri des
apostels welchem der herre sein schesslein zu weyden befo-
len hetth et.

Wie wol man vns lange mit der Tasse vmb gefurt
hate / Das Sanct peter zu Roma babest sey geweest / vñ wie
wol nach nicht erweist / Das er sein tage gegē Roma kden
/ Sonder lieff im land hyn vnd wyder / vnd prediget das
heylich Ewangeliu m.

Vnd halts darfur / wen Sanct peter itzo kegen Rom
kem / vnd woldt babst sein / ich meine sie solthē in mit koeth
ausiagen / vnd solthen saghen / Ey wiltu babest sein du
armer fischer / Drehe dich gegē Betsayda vnd wartthe dei-
nes fischens wiltu Babst sein vnd bist keyn Cardinal bis-
schoff nach Doctor Vnd bist in keyner hohen schule gestan-
den / Laß die grossen Doctores darzu / Dye wyffens hinans
zufuren Solt man dich kronen vnd tragē / Du leuffest noch
wol zu fues vnd setzest aol ein weyl / Einen filz hutte auff

B ij

Er wurde dor von müssen zyhen wye eine nasse katze

¶ Der heylige petrus / hath die schaeß Christi nirgenth nicht: geroydet den mit dem wort: gottis / vñ der prop: hetē / welchs in der heylige geyst vberfluffigē gelernet hatte Do warē nach nicht lehrer als izt ad der außleger vber das euā gelium Do wuost man nach nichts vom habeste zusagen / vil woeniger war ein buchstab an dem bestlichenn rechten geschrybenn / Do stundt es wol / vñ meher Christen erwur get wurden ie mehr ir zum glaubē tratten / Do war die rechte zeydt der genaden / Do stundt der hymel offen do war rechte trewe / liebe / vñ cynikeydt / Actū .4.

¶ Sanct Petrus thet anders den vnser prelaten Er hielt sich an das ewāgelium / vñ fraget wider nach Sarsaten noch tyrannen / er predigt das Ewangeliū vnerschro ten / so lang byß er sein leben druber lassen muß / Dis sol then vnser prelaten auch thun / vñ horen was in gott saget im Ewangelio / vñ in der heiligen schrift der propheten vñ aposteln / was aber habest vñ Conalia sagten / Nicht annehmen / wñ es dem ewangelio entlegē were / Szo wurd gott gnade geben das sie die schrift vorstundē / wie geschri ben baruch .2. Dabo eis cor et intelligent / vñ zeygethen iren glauben mith liebe vñ leyden / an / Szo volgthen inen die scheffelein nach den es wirt anders nicht draus / ane leyden gehet es nicht zu / Denn Christus / ap: posteln / vñ merterer / sein vns also vorgegangen / Den so saget paulus ad phili: 1. Das ir nicht allein an christo gleubet sondern auch vmb in leydet et. Marci .8. wer sein leben volenßet vmb mey nent vñ vmbß Ewangely willen / der wirts behaltthen / wer mir wil nach uolgen / Neme sein kreutzs vff sich vñ folge mir nach et.

¶ Mein her Doctor / drarobet mir / wie ich auch anders wo / do ich nicht gedencf / ersucht sal werdenn / vñ gedēgē

die fact eweyterzubringen vnd werde Teulich and er me
her erfahren et.

¶ Auß dissem ich vormercke / seinen zorn / vnd vnwil
len / Vñ bitte vnd frage in ein ander / wer do wil / an mei
ner stadt / alhie mergkt man / was er für ein geduldiger christ
ist / vnd schreibet mirs auch abe / er gedegle mir nicht mehr
/ sulcher weysz / zu anthwurtem / Deo gracias / ich hab sein
auch gleich genung

¶ Er schreybt auch von seinem heyligen babest / Das
ich nichts achte / er beweyse mir dan grundt vnd schrift /
des babstums / wan er gleich so heylig were das er wöder
zeigen thet / glaube ichs doch nicht / Szo halt ich in nicht
anders den für den heupt anthechrist / Der aller der die im
glauben ein vofurer ist / Dan christus saget Matthey .24.
Es werden falsch Christen vnd propheten auffsthen / vnd
grossze zeigen vnd wonder thun et.

¶ Saget auch von keyserlicher Magistat brieff et

¶ Welchen wyr bey vns in allen ehren halthen / vnd in
en auch für einen heren halten / welchs gewaldt vō gott ge
ordent ist / vnd wollen seiner maiestat in allem so nicht wy
der got vnd das ewangelium ist / gehorsam sein / welchs mā
dat Niemande nach der warheydt zu fragen / vorbeuth vnd
ich nicht vormarkt die dem Mandat grosszer entlegē seyn
/ den etlich prediger zu leypzig / die do gerne zwoytracht er
regen wolthen

¶ Schreybet auch ab mein gēdister herr Churfurst zu
Sachssen et. mit mir practiciren / vnd handt zu werke
thun wirdt et.

Christus saget aus vberflussigkeydt des hertzen / redt der
mundt / drumib mergkt ich wol was mein her doctor / für ein
getrew hertzs hat ich hab geredt mit vnder scheydt Es sey
kein vnmüglich dingt / vff das sich mein herr doctor nicht

ſche wē ſolt / die warheydt zu ſagen / vnd an tag zu geben

Saget zu tagen das ſchwerdt nicht vmb ſonſt et.

¶ Es iſt von gott durch paulum alſo vorordent / zur ſtraeffe den boßen vnd ſchutts der fromen / vnd ſeins ſchuldig zuthun / bey groſſer vngnadē gottis / wie geſchrieben Sapiencie .6. vnd ſonderlich die gottis leſterer / die wyder das heylige ewāgelion handeln / Alſo gebot auch gott. Leuitici .24. fuer aus den leſterer / vnd alles volgt werffe in mich ſteinen tod / vnd ad hebreos .10. So imants das geſetz moysi bricht / ſtirbet durch zweey ader drei gezengē / vil mehr die den ſon gottis mit ſueſſen trethen et. wen aber vnſer geiſtlichen / Das ſchwerdt ietzt befohlen were ſo gēade vns gott Solches beclagten ſich die / hohen priſter des alten teſtaments auch als Annas Cayphas vnd ire geſelſchafft fur pylatho / ſprechende vns zymmet Tymandt zu thoden / Johānis .18.

¶ Mein herr doctor / gibt mir ſchuldt / das ich ergerlich gezengle / mich meinem briſſ geſucht in irem gedruckte auß gange et.

¶ So weys das got / Das es ane meynen radt / wiſſzen vnd willenn gedrukt iſt / haben ſie es ſelbeſt guth gemacht / So habens ſie es auch alſo / ich hab kein beruſt drum

¶ Er ſaget auch das ich vnuorſchamt voriſchmehe vñ vorwerffe / die vether kirche vnd gemeine concilia / Die heyligen veter / lerer gottis freund et.

¶ Wie war das iſt weys irderman / die mein ſchriſt gelesen habē / ich ſage noch ich kē nicht glauben Das ethwas zu der heyligen Chriſtlichen kirchen gehören / Mein herr doctor weyſſe mir dan ſchriſt / Vnd dazzu bewegt mich abermals das ewāgelium / in mancherley ſpruchen / Johānes .15. ir ſeydt meine frunde / ſo ir thut / was ich euch gebiethe Matthei vltimo / gehet hyn vnd lernet alle volker / vñ lret

alle völler vnd leret sie alls halthen / was ich ench befö-
hlen habe / Darumb alle die anders thun vnd halthen / den
christus gebotten hatt / müssen f. n. d. e. g. o. t. i. s. s. e. i. n.

¶ Mein herr Doctor saget auch / ich suche vnderwey-
funge / vnd setze meinen syn vnd kopf / voran / drumb mir
nicht zu helffen ist es.

¶ Do sage ich neyn zu / dan ich allezeydt e. b. o. t. t. i. g. t. / mich
mith heyliger schrift weyße zu lassē das ich aber eines itz-
lichen menschen leher glaubē solt / er sey wie heilig er wölle
/ bin ich nicht schuldigt / sondern wē er sein leher / auff das
wortt christi adder lautter vornufft grundt / wie Sanctus
Augustinus anzeygt vnd auch seiner bucher also wil gelesē
haben / Der halben bith ich Meinen heren doctor / wolle
mich mith der heyligē schrift vnderweissen / wil ich ime als
dann gerne folgenn


¶ Dierweyl vns nuhe der barmhertzige ewige gutthige
gott / am ende der weldt besucht / vnd vns aus gnadē mit-
teylt / sein ewiges vñ gottlichs wortt / welchs / als zu besorgē
ist von anfang derzeydt der genaden / deütschen lāden / Nie
lautter vñ rein gepredigt ist / Darumb vormahē ich idermā
aus bruderlicher vñ Christlicher pflicht wolle dasselbige
izovō Newest aufferblicktes / gottlichs / wortt / f. ü. d. l. i. c. h. vñ
mith frolichem hertz / n. ā. n. e. m. ē. vñ sich bawē vñ grūden auff
Christum / das ewige wort gottis des vaters / welchs von
ewigkeidt / vō gott geborē ist wie dā geschribē Jo: 1. vñ nicht
auffmenschē hādē. Vnd hab auch nicht allein acht auff chri-
stū / wie er ins fleysch komē ist / sondern last christū wyderüb
in euch zu wortthe werden durch seyn heyliges ewāgelium
/ Durch welches ir zum rechtē vñ warhafftigē glaubē komē
möget / Durch welchen ir allein erlanget die freundschaft
gottis / Der vns fuerth nach dissem leben zu dem ewigen
lebē zu welchem vns allen helffe gott der vater vñ der sohn
vñ der heylige geyst Amen Datū Lylēburk Sotoqk nach
der heymfuchunge Marie Anno M D xxiij C

Faint, illegible text, likely bleed-through from the reverse side of the page.



X 220708A





Inches

Centimetres

Farbkarte #13

B.I.G.

Blue

Cyan

Green

Yellow



Red

Magenta

White

3/Color

Black



Bericht des
 en Docto
 my tung irß
 senfart Col
 ediger zu
 ick
 rth
 honichē
 nburgē
 iij Jar

Vg
579